



## **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2402. Vergleich des Kurfürsten Joachim und Markgrafen Albrecht von  
Brandenburg mit dem Fürsten Georg von Anhalt wegen des letztern  
Verwaltung der Herrschaft Cottbus und Peitz und wegen des ...

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2402. Vergleich des Kurfürsten Joachim und Markgrafen Albrecht von Brandenburg mit dem Fürsten Georg von Anhalt wegen des letztern Verwaltung der Herrschaft Cottbus und Peitz und wegen des Heirathsgutes seiner Gemahlin, vom 14. Dezember 1506.

Zu wissen, das die gebrechen vnnnd irrung, so der hochgeborne furst Herr Georg, furst zu Anhalt vnnnd graue zw Aschanien, in vormunttschaft seiner Elichen gemahel gegen den durchluchtigen, Hochgebornen fursten vnd herren, herrn Joachim, Churfursten, vnnnd Herrn Albrecht, gebrudern, Marggrauen zw Brandenburg etc., derselben seiner Elichen gemahel leipgeding betreffen, Auch etlicher scheden halben vnnn loskundigung wegen der ampt Cotbus vnd peytz angezeygt, wie sich die bis vf dissen hewttigen tag begeben, furgenommen durch die Erwürdigen, Gestrengen vnnnd Achtbaren Herrn George von Slaberndorff, Meyster sant Johans ordens, Herrn petern, abt zu Lenyn, vnnnd werner vnnn der Schulemburg, hofmeyster etc., mit allenthalben der furstèn guttem wissen vnd willen gutlich vnd entlich entscheyden sein, wie hirnach volgt, Nemlich das genante Churfursten vnd fursten, vnnsere gnedigste vnnnd genedige herren von Brandenburg, dem genanten Fursten von Anhalt vnnnd seinen erben vor solich gethane ansprach vnnnd aus sonderlicher fruntschafft vnnnd guten willen funfzehnhundert gulden an guter lantlowftiger Müntz, zwéyvnnnddreissig groschen fur einen gulden, aufzurichten vnnnd zubezahlen versprochen, Auch bereyt funffhundert gulden darauf bezalt haben vnd die vberigen thufent gulden laut irer genaden schultbryffs bezalen wollen. Dagegen vnnnd widerumb hat gemelter furst vnnn Anhalt in vormunttschaft seiner Elichen gemahel alle anforderung vnnnd zusprach, so er zu den vorberurten kurfursten vnd fursten vnnn Brandenburg bis vff dissen hewttigen tag des leipgedings vnnnd ander scheden halben zu haben vermeint hat vnd haben mag, mit hant vnnnd munth sich verziehen, abgesagt vnd verlassen. Doch so sol vnnnd mag sich die hochgebornen furstin Fraw Agnes, seiner gnaden gemahell, nue furder ires leipgedings, wie sie von Alters by loblicher gedechtnis Marggraff Friderichs des Eltern, Marggraff Albrechts vnnnd Marggrauē Johanfen leben gethan hat vnd nicht furder, genieffen vnd gebruchen, getrewlich vnnnd vngeferlich. Zu urkunt haben wir Marggraff Joachim, kurfurst, von vnser vnnnd vnfers bruders wegen, vnnnd wir graue Jorgen von vnns vnd vnser gemahell, vnser Insigel an dissen entscheid drucken lassen. Gescheen vnnnd Geben zu Coln an der Sprew, am Montag Nach Lucie, Anno Sexto.

Nach dem Churm. Lehnscopialbuche XXXI, 17.